



Broj:  
Sarajevo, 5. VIII 2002.

M E D I J I M A

Predmet: Informacija o ukidanju dozvole za rad ICB banci

AGENCIJA ZA BANKARSTVO FEDERACIJE BiH

Ukinuta dozvola za rad ICB banke

Agencija za bankarstvo Federacije Bosne i Hercegovine ukinula je danas (5. VIII 2002.) dozvolu za rad International Commercial Banke (ICB) plc Sarajevo. Istovremeno je otvoren postupak likvidacije te banke, a za likvidacionog upravnika imenovan je Senad Kazazić, diplomirani ekonomist iz Mostara.

Osnivači i vlasnici ICB banke odlučili su na Skupštini dioničara, koja je održana 29. VI 2002. godine, da banka prestane s radom i zatraži od Agencije za bankarstvo FBiH da joj ukinu dozvolu za rad i započne i provede njen likvidacioni postupak. Ovakav zahtjev dioničari su obrazložili ocjenom da "ne postoje ekonomski uslovi za dalji rad i poslovanje ICB banke" tim više što je zakonska obaveza da se do isteka tekuće godine uplati dionički kapital od najmanje 15 miliona konvertibilnih maraka. Preko 97 odsto postojećeg dioničkog kapitala u ICB banci, koji iznosi blizu devet miliona konvertibilnih maraka, u vlasništvu je investitora iz Malezije. Od osnivanja, 1997. godine, ICB banka je poslovala sa gubitkom koji je u prošloj godini, prema izvještaju nezavisne revizorske kuće, bio 1,17 miliona KM.

Otvaranjem likvidacionog postupka, u skladu sa Zakonom, prestaju sva ovlaštenja organa upravljanja i rukovođenja, zastupnika i dioničara ICB banke i prelaze na likvidacionog upravnika. Banka je solventna, odnosno njena imovina je veća od obaveza pa će svi povjerioci ICB banke moći naplatiti svoja potraživanja koja su dužnici prijaviti likvidacionom upravniku u roku od 30 dana. Uporedo, dužnici bi trebali izmiriti obaveze prema ICB banci.

Ukidanjem dozvole ICB banci u Federaciji BiH ostaje 29 banaka koje imaju licencu za rad dobijenu od Agencije za bankarstvo.

Ured FBA za informisanje

Ibrahim Polimac